




Te Avae Tenuare 1959

TE HEHEURAA API

OAOA NO TE MAHANA FANAURAA E TE MATAHITI APÎ

*No te Peresideniraa Matamua
No te Ekalesia a Iesu Mesia i te
Zeia Mo'a no te Mau Mahana
Hopea Nei*

Te oaoa faahou nei matou i te faaiteraa'tu, na roto i teie nei ve'a, to matou aroha e to matou oaoa no teie Mahana Fanauraa e te Matahiti Apî atoa hoi, i te mau melo atoa o te Ekalesia. Te oaoa atoa nei matou, e outou atoa hoi, i te haamana'oraa i te mahana fanauraa No'ua, o tei haere mai i roto i teie nei ao, To'na ra oraraa e tae noa'tu hoi i te mau ohipa Ta'na i rave, e tae noa'tu hoi i Ta'na mau haapiiraa hanahana o tei riro ei mau niu no to tatou nei faaroo. Te oaoa nei tatou i te parau faaite no To'na ra huru mo'a, e tae noa'tu i te poupon haebaa roa i roto i te aau—i te riroraa ei melo i roto i te Ekalesia rahi, o tei parauhia i te i'oa o te Fatu ra, o Iesu Mesia, na roto i te beheuraa.

Ua ite hoi matou e, o ratou atoa o tei rave i te hoê mau tufaa ohipa, a to tatou Atua, e oaoa rahi tei tupu ia ratou no te tupuraa rahi o te Ekalesia nei, i te hopea o te matahiti i mairi iho nei. Te rahi noa'tu ra te rahiraa o te mau melo—i roto i te matahiti i mairi a'enei, ua faatiahia na Titi apî e 21, na Misioni e 2, e na Amaa e 128 i roto i te mau Titi apî, e na Amaa taa ê e 48 ra. E maere atoa tatou i te mea e, e 7 o teie mau Titi apî ua faatiahia ia i roto i te mau Misioni atea roa i te pû rahi o te Ekalesia. E teie

atoa te tahi tapao faahiahia rahi no teie tupuraa rahi, oia hoi, te tomoraahia o na Hiero api e Piti, i roto i te mau fenna eê i rapae roa'tu i te fenna pû ra. Ua ite matou e, o te taine matamua hoi teie, i roto i teie nei Ekalesia, no no te tomoraa i na Hiero e piti i roto i te matahiti hoê ra.

Te vai atoa ra te vetahi atu â mau tapao no te tupuraa rahi o te basileia. I teie nei taine, ua faaite te parau tuatapapa e, ua han atu te tai'oraa o te mau Mitinare poro-evanelia, i roto i te mau Misioni, i to te mau matahiti atoa i mairi a'e nei ra. E oia atoa no nia i te rahiraa o te mau taata tei faafariuhia mai, i roto i te Ekalesia, no roto mai i te mau Misioni. No reira aore roa e tia, ia matou, i te faaite atu i to matou nei aau mehara, e te maururu rahi, i te mau utuafare o teie nei mau Mitinare, e tae noa'tu i te mau taata, e te mau amuiraa o tei tauturu maite i teie mau Mitinare i roto i ta ratou mau ohipa pororaa evanelia. Teie mau Orometua Mitinare, e mau taurearea api hoi ratou, te tane e te vahine atoa hoi, tei ite mau ia i te utu'a e te hoturaa hoi o ta ratou mau ohipa, a rave itoitonoa'i ratou no te faatupuraa i te maramarama, e te parau faaite o te Evanelia i faaho'ihia mai, e to tatou Fatu, i te mau taata atoa o te ag nei.

Te ohipa e ravehia nei i roto i te mau hiero, te haere noa nei ia e mua, e i te rahiraa hoi. Ahiri te taatoaraa o o te feia i pohe ra, oia hoi, te feia o tei farii mai i teie mau ohipa aroha, e te hanahana e hope ana'e i te tia mai i nia, no te faaite mai i to ratou maururu rahi, eaha ia te huru o te rahi o te oaoa, e te pouponu i roto i te aau o te mau feia o tei rave i taua mau oroa ra no ratou.

Te itehia nei te here, e te haapao maitai i roto i te mau melo o te Ekalesia, na roto i to ratou haapaoraa i te ture no te tufaa ahuru, e te mau tusia, o tei riro ei tauturu umerehia i roto i te mau ohipa paturaa i te mau fare pure-

raa, no te Ekalesia, e te vetahi atu â mau raveraa tei tauturuhia na roto i te moni, mai te ohipa tauturu i te feia tei roohia i te ati e te veve hoi, te mau fare Haapiiraa, na te Ekalesia, e tae noa'tu i te mau pŭpŭ ohipa tauturu no te mau Amaa.

Te hi'o nei matou, e te ite nei hoi matou, ma te oaoa, te tupuraa rahi o te puai varua i roto i te mau melo o te Ekalesia. To ratou auraro i to ratou mau aratai, te itoitoe e te faaroo i te haapaoraa i te mau ohipa tei faatai h'a na ratou, te haere-taman-raa i te mau pureraa i faataahia, te oaoa i roto i te mau pureraa Amuiraa na te Ekalesia, te hinaaro hoi ia faarii i te mau a'oraa - te a'oraa a te Antahu'araa Mo'a - te pure tuutuu ore no ratou o te aratai mai, e te vetahi atu â mau ohipa, ma te hinaaro mau ia ite i te Fatu e ia haapao i Ta'na ra mau faaueraa. O te reira ia te titauraa mau i ta te varua ra.

E oia mau, e to matou mau taeae here, e te mau tuahine here, te faatae atu nei matou i to matou oaoa ia outou, no teie mahana Fanauraa e te Matahiti Apŭ atoa hoi. Ua i to matou aau i te oaoa no to outou itoitoe i te tautururaa, i e te tapea-maite-raa i teie ohipa rahi tei here-mau-hia e tatou atoa. Te i nei matou i te oaoa, e te mauruuru no ta outou mau pure, i te Atua, no matou e no te taatoaraa hoi o te feia mana faatere o te Ekalesia. Te faaite atu nei matou, e te pure taman nei matou, i te Atua, no outou, e no raton atoa hoi o tei atihia i te ma'i ra. Te pure nei matou, no raton, tei mairi i roto i te hara, ia tia ia raton ia faatupu i te tatarahapa ia faaorehia mai ta raton mau hara. Te pure nei matou, i te Varua o te Fatu, ia vai taman noa oia i roto ia outou, e ia faatupu hoi i to outou oaoa e te hau ra. Te pure nei matou ia vai noa mai te here i roto i to outou mau

utuafare, e ia faaturahia te metua tane, te metua vahine, e tae noa'tu i te mau melo atoa o te utuafare ia.

Aore hoi matou e pure nei no te mau melo ana'e o te Ekalesia. Te pure nei râ matou no te taatoaraa o te mau tamarii a te Atua, o tei ite e tei tamau i roto i te au-taeae-raa o te taata na rôto i to tatou na Metua Mo'a i te ao ra. Te oaoa nei matou no te mau hoa maitatai, i te ao paatoa nei, noa'tu e aore ratou i amuihia mai i roto i te Faaroo hoê, te oaoa atoa nei matou no te mane-ê-raa'tu o te mau mana'o faahapa, e no te taa-papu-maitairaa hoi ratou i roto i to ratou ra huru mau. I te mau taimé atoa, ia roaa ia matou te taimé, ua faaite matou ia ratou i te Evanelia i faaho'ihia mai, a to tatou Fatu ra, o Iesu Mesia, ei ravea no te faaoraraa, e te faateiteiraa hoi i te taata nei. Ua ite matou e, aore atu e ravea e vai nei e roaa mai ai te oaoa, e te poupon mure ore, maori ra, te roaaraa mai te ite i te parau mau.

I roto i te reira ite-papu-raa, te pûpû nei matou i te parau mau i te mau taata atoa, e te na reira nei matou no te faatae atu i teie nei au-taeae-raa i te mau taeae, e te mau tuahine atoa i roto i te utuafare o te Fatu, i te mau vahi atoa e taehia e teie nei parau poroi, o to matou ia hinaaro mau, e te pure atu nei i te Varna o te Mesia, te Faaora o teie nei ao, ia ô te reira i roto i te aau atoa, e te mau taata atoa, e te mau nunaa atoa, ia tupu te hau, te oaoa e te poupon, e a muri noa'tu.

David O. Make

Setephano L. Ritci

J. Reubena Tarati

"I aroha mai te Atua i to te ao, e ua tae roa i te horoa mai i Ta'na Tamaiti tanau tahi, ia ore ia pohe te faaroo ia'na ra, ia roaa ra te ora mure ore." (Ioane 3:16.)

Te Maitiraahia Na Aposetolo E Hoê Ahuru E Ma Piti

(*Mataio 10.*)

Noa'tu e na haapii atu Iesu i roto i te mau oire e rave rahi o Paletetina ra, e na rahi hoi te mau taata tei apee atu ia'na, aita â oia i faatia i ta'na Ekalesia. Ua rave rahi te mau semeio tei ravehia e ana, na haapii atu oia i te parau mûu ohie no te faaoraraa e na faaite atoa oia e, te fatata maira te Basileia o te Atua ra. E a faaineine ai oia i te faatia i ta'na Ekalesia, na imi oia i te mau taata o te riro ei aratai no te reira.

No reira ia haapao maitai oia i te maitiraa i te reira mau taata, e no reira ia vai mau ihoa te tautururaa no ô mai i to'na Metua i te ra'i ra. Haere atura oia i nia i te mou'a e pure atura i reira no te hoê arui atoa ra.

E ia poi'poi a'e ani atura oia i ta'na mau pipi ia haere mai i pihaiho ia'na. E no roto mai ia ratou maiti ihora oia i na taata e hoê ahuru e ma piti, o te tia ia riro ei mau peropheta e ei aratai no to'no ra mau taata, e ia parahi ratou ei upoo no to'na ra Ekalesia. I to'na faatoro'araa ia ratou no tana ohipa ra, mairi atura oia i te i'oa aposetolo i nia ia ratou, e horo'tura oia, ia ratou, te Antahu'araa Mo'a ma te mana no te faaora i te ma'i e te tiavaruraa i te mau demoni.

E teie ia te mau taata ta'na i maiti, oia hoi o Simona, o tei parauhia o Petero, o Anederea, to'na ra taeae, o Ioane e o Iakobo na tamaiti a Zebedaiio, o Philipa e o Baretolomea, o tei mana'obia e, o Nataniela te tahi o to'na ra i'oa; o Toma, o Mataio, te telona, o Iakobo te tamaiti a Alephaio, o Simona i Kanaana ra e o Iuda Isakariota, o tei haavare ia'na ra.

O te opuaraa ia a te Fatu i te tono atu ia ratou ei mau orometua no te haapii atu i te evanelia ta'na iho i haapii ra, e i te rave atoa hoi i te mau semeio i rotopu i te mau feia faaroo ra. Hou ratou a haamata'i i ta ratou ra ohipa, ua haapii maite atu oia ia ratou. Ua parau atu oia ia ratou ia rave ratou i te mana, ta'na i horoa'tu ia ratou, no te faaora i tei ma'ihia ra e i te tiavaruraa'tu i te mau demoni. Na ô atura oia, "*I horoa-noa-hia mai ta outou, e horoa noa hoi outou.*" Ua parau atoa'tu oia ia ratou, eiaha ratou e rave i te pute moni e te moni i roto ra, e eiaha atoa ratou e rave rahi i te ahu, no te mea na te mau taata e haapao i te reira. "*E au hoi te rave ohipa ra i ta'na utua ra.*" Ua parau atoa'tu oia ia ratou e, e tia mai te enemi no te patoi atu ia ratou e e hamani-ino-mai ratou ia ratou, mai ia'na i hamani-ino-hia. Ua parau atu oia ia ratou, eiaha e mātā'u, no te mea ei pihai-noa-iho te Fatu ia ratou. E ua na ô atu oia ia ratou, "*Eiaha e mata'u i tei taparahi mai i te tino nei, eita râ te varua e pohe ia ratou; e mata'u râ to outou ia'na ia rave pohe roa i te tino e te varua atoa i gehe-na.*"

Ua tamahanahana e ua faaitoito atu oia ia ratou, e parau atura oia ia ratou e, ia ore ana'e ratou ia haamâ ia parauhia ratou e, e mau pīpī ratou na'na e titau mau ia oia ia ratou, ei mau pīpī na'na i mua i te aro o te Metua ra. Eita ia oia e haamâ ia ratou ia ore atoa ratou ia haamâ i te faaiteraa'tu e, o oia ihoa te Faaroo

Haere atura te ahuru e ma piti e ua a'o haere ratou i te evanelia mai tei faauehia ia ratou ra. Ua rahi roa to ratou haamaitairaahia e te Fatu. Ua faaora ratou i te mau taata tei roohia i te ma'i, e ua tiavaru ratou i te mau demoni, mai ta Iesu iho i rave ra. Ua rave rahi te mau taata tei faaroo i ta ratou mau haapiiraa e tei faaroo hoi i te faaora. E i muri iho, ua maiti faahon oia, no roto mai i ta'na ra mau pīpī, na taata e hitu ahuru no te tauturu atu i te Ahu-

ru e ma piti i roto i ta ratou ohipa orometua ra. Ua horoa atoa'tu oia i te mana ia ratou i nia a'e i te ma'i e te mau varua faufau ra, e i muri iho i to'na faaaforo'raa'tu ia ratou, tono atura oia ia ratou ei mau orometua. I to ratou ho'i-raa mai i to ratou tere ra, i mua ia'na ua na ô mai ratou, "*E te Fatu, ua vi atoa te mau demoni ia matou i to i'oa na.*"

O te haamataraa'ia te reira no te faatiaraa i te Ekalesia. I muri a'e amui-faahou-hia maira te tahi mau toro'a, mai te diakono, te mau haapii, te mau tahu'a, te mau peresibute-ro e te mau tahu'a rahi; ua maitihia te tahi mau episekopo no te faatere i nia i te amniraa iti o te Ekalesia, tei parauhia e mau amaa, mai teie e vai nei i teie nei.

Ua parahi noa te mau aposetolo e te mau peropheta ei upoo no te taatoaraa. Ua tatara mai o Paulo i te reira i to'na ra mau taata a papai ai oia i ta'na episetole i to Ephesia e ua parau atu oia ia ratou e, e vai noa'ia te reira mau feia faatere no te Ohipa ra, e no te haamaitairaa hoi i te tino o te Mesia. Ua parau atu oia e, e mea tia ia vai noa ratou e tae noa'tu e maitai te mau taata atoa mai ia Iesu i maitai roa ra.

O te reira'ia te tumu te mau aposetolo e te mau peropheta i vai ai ei upoo no te Ekalesia i teie nei mahana. Te mau nei to tatou mau peropheta e to tatou mau aposetolo, e ora nei i teie nei, te mana tei au maitai i tei mauhia e te mau taata tei faatoroahia e Iesu a parahi ai oia i nia i te fenua nei.

I muri a'e i to te Faaora faatoroaraa i ta'na mau aposetolo e i te tonoraa'tu hoi ia ratou ia haere, haere atura oia i te tahi atu mau oire ma te a'o atu i te Evanelia e te faaoraraa i te mau taata o tei faaroo ia'na ra.

Marcel Bonnet

Na Haapiïraa E Piti

(*E Tuutiraa teie*)

Te Haapaoraa êê

Tei te bibilia ana'e ia te parau a te Atua.

Te Bibilia

Aita Iesu i haapiï mai e, tei te bibilia ana'e te parau a te Atua; ua haapiï mai râ oia e, "E ora te taata i te man mea i haapaohia e te Atua. Mataio 4:4".

E ua parau atoa mai oia e, na te Varna parau mau ra i aratai ia tatou. Ioane 16:13.

Te Haapaoraa êê

Ua navai roa te bibilia ana'e ei aratai no tatou i te faaroo e te haapao.

Te Bibilia

Aita i faaitehia te hoê parau i roto i te bibilia e, ua navai roa te bibilia ei aratai no tatou. Aore i papaihia mai i roto i te bibilia te taatoaraa o te mau heheuraa i horoahia mai i te tau ana'e no Iesu ma.

Ua papaihia râ te tahi mau tohuraa tei faaite mai ia tatou e, e tupu mai te tahi mau parau a te Atua i muri rii a'e i te tau o te bibilia. Apakalupo 14:6-7.

Te Haapaoraa êê

Aore roa te Atua i opua e horoa faahou mai â i ta'na parau mo'a i te taata nei i muri atu i te tau o te mau aposetolo tahito.

Te Bibilia

O te Varna Maitai ra, o te Varna heheu ia. Parau atura Iesu e, e rave te Varna i ta te Atua ra, a faaite mai ai i te taata nei. Ioane 16:13-14. Aita roa i faaitehia i roto i te Bibilia e, e faaea te Varna i te horoa mai i te heheuraa i muri atu i te tau no te mau aposetolo.

Te Haapaoraa êê

Aita roa to te taata e oraraa hou to'na fanau-raa-hia mai i roto i teie nei ao.

Te Bibilia

O te Varua e te tino, o te tāata ora ia. (Genese 1:7)
 No ô mai i te Atua ra ia to tatou mau Varua. Koheleta 12:
 7. I te taime no te hamaniraa i te ao nei, tei reira atoa te
 mau tamarii a te Atua, Ioba 38:7.

Te Haapaoraa êê

Te hi'araa o Adamu rana o Eva, e hara rahi hi'o ore ia.

Te Bibilia

Ua haapaohia o Iesu Mesia hou te hamaniraa i teie
 nei ao ei Arenio na te Atua ia hopoi ê atu i te hara o te ao
 nei. Ioane 1;29. Ua faatoroahia oia ei faaora no tatou
 hou teie nei ao, e no reira e mea hi'o-ê-hia na iho â te
 hi'araa.

Te Haapaoraa êê

Aita'tu hoi e mea e tia'i ia tatou ia rave, e faaorahia'i
 tatou, maori râ ia faaroo i te Mesia.

Te Bibilia

Te haapii papu nei te bibilia ia tatou e: e roaa ia tatou
 te ora na roto i te faaroo e te haapao. Oia atoa te faaroo
 aore e ohipa ra, e mea pohe ia, i te mea te vai hoê noa ra.
 Iakobo 2:17.

Te Haapaoraa êê

O te faaorahia ra, hoê â hanahana to ratou.

Te Bibilia

Ua papu ta te Bibilia haapiiraa i te mea e, e hanahana
 ê to te tahi i to te tahi, faaite atura Iesu i ta'na mau pîpî
 e. E rave rahi te parahiraa mau i te fare o tau Metua ra.
 Ioane 14:2. E parau atura Paulo no te hanahana o te ma
 hana no te hanahana o te marama, e no te hanahana o te
 mau fetia. Korinetia 1:15-41.

No reira e te hoa, eiaha to oe mana'o no nia i teie
 mau haapiiraa. Te pahono mai nei oe ê, e hoi faahou
 mai oe i teie ava'e i mua nei, maururu roa ia oe. E no
 reira e faea noa tatou e faaoti van i to tatou pure.

Ia oti râ teie nei pure, aroha ana'e atura matou.

Iosepha Beneteau

mett
 man
 la sa
 cour
 faibl
 d'eu
 ment
 gran
 Ce se
 ment
 man
 ces b
 nuisi
 tion
 comp
 que l

avan
 d'un
 quoi
 l'exh
 contr
 possi
 d'unc
 lumie
 tatio
 son e
 mêla
 récré
 Ense

Notre Programme De Santé

(Suite)

Tous ceux "qui se souviennent de ces paroles pour les mettre en pratique, marchant dans l'obéissance aux commandements" ont la promesse qu'ils recevront la santé et la sagesse. En ce qui concerne la santé physique, "ils courront et ne se fatigueront point, et ils marcheront et ne faibliront point", et "l'ange destructeur passera à côté d'eux... et ne les frappera point". En matière de santé mentale et spirituelle, "ils trouveront la sagesse et de grands trésors de connaissance, oui, des trésors cachés". Ce sont des promesses logiques. Si nous gardons complètement, la Parole de Sagesse observant fidèlement ses recommandations positives et évitant soigneusement l'usage de ces boissons et autres choses prohibées parce qu'elles sont nuisibles, notre corps se trouvera dans la meilleure condition physique possible, et notre esprit sera plus pur pour comprendre toutes choses, les choses des hommes aussi bien que les choses de Dieu.

Le Président Brigham Young comprit bien les grands avantages que retireraient les Saints des Derniers Jours d'une observance fidèle de la Parole de Sagesse. C'est pour quoi il déclare: "Préparez-vous à mourir, ce n'est pas là l'exhortation de cette Eglise de ce royaume; nous disons au contraire: préparez-vous à vivre et à vous développer le plus possible dans la vie après celle-ci, où vous pourrez jouir d'une condition plus exaltée d'intelligence, de sagesse, de lumière, de connaissance, de pouvoir, de gloire et d'exaltation. Essayons aussi d'étendre la vie présente jusqu'à son extrême limite, en observant chaque loi de santé, en mêlant harmonieusement le travail, l'étude, le repos et la récréation, en nous préparant ainsi à une meilleure vie. Enseignons ces principes à nos enfants, afin qu'au matin

de la vie, ils puissent poser les fondements de leur santé, de leur force, de leur constitution et de leur puissance physique."

"La lettre tue, mais l'esprit vivifie." Le sens de ses mots s'applique à l'observance de la Parole de Sagesse autant qu'à toute autre loi ou tout autre commandement qui nous ait jamais été donné pour notre bien-être. Pour certains, garder la Parole de Sagesse c'est simplement observer certaines règles, prohibitives pour la plupart, qui nous ont été plus ou moins arbitrairement imposées. Rien n'est plus loin de la vérité. Garder la Parole de Sagesse est essentiellement une affaire de principe. Nous n'avons qu'à reconnaître que c'est un plan diététique, détaillé et soigneusement préparé, qui nous est parvenu par révélation à cause de l'intérêt que porte notre Père Céleste au bien-être complet de tous ses enfants, pour nous déterminer à vivre conformément à ce plan dans toutes circonstances. Toute personne qui étudie et examine soigneusement la Parole de Sagesse, et comprend ce qu'elle est vraiment, comment elle a été obtenue, quels ont été ses résultats jusqu'à présent, n'a aucune difficulté à décider si elle vaut la peine d'être observée ou non. Malheureusement, c'est exactement parce que beaucoup n'ont pas pris le temps ou n'ont pas manifesté le désir d'étudier et d'examiner ce point jusqu'à sa conclusion logique, qu'ils n'ont pas encore reconnu la nécessité de vivre conformément aux enseignements de la loi de santé du Seigneur. Si nous reconnaissons la grande valeur d'un principe destiné à notre bien-être physique et mental, nous essayerons de le connaître d'avantage et nous conformerons volontiers notre vie à ce que nous connaissons. En résumé s'il n'y avait aucune autre raisons, le simple bon sens suffirait à justifier l'observance de la Parole de Sagesse.

Toni Orometua

te r
hoé
tua
to t

Te
i m
api
resi
ta ,
raa
Rai
pah
te ta
e or
him
te p
i te
te p
hob
O t
hor
to F
ei r
tea.

Te Pupu QUORUM Peresibutero

PUPU MATAMUA I TE MISIONI TAHITI

Tauturu Na Te Mau Orometua Rave Ohipa: I roto i te matahiti i mairi iho nei, ua horo'a faahou a teie pūpū i te hoê tufaa moni iti, no te tautururaa i to tatou mau orometua rave ohipa e rave ra i te ohipa, ma te moni ore, i nia i to tatou fare pureraa apî i Uturoa, Raiatea.

Pūpū Papeete, reo Tahiti	frs.	8,524.00
Pūpū Tubuai ma	"	3,465.00
1958 Amuihia	frs.	11,989.00
1957 Amuihia mai,		7,233.00
Amuihia taatoa	frs.	19,222.00

Te Amuiraa Rahi I Raiatea E Tahaa: I te maha no Titema i mairi iho nei, ua reva atu to tatou Peresideni Misioni apî o Iosepha e to'na hoa, te mau orometua popaa, te peresideni no te pūpū Peresibutero e to'na hoa na nia ia Paraita, no te amuiraa i Patio, Tahaa, e no te Oro'a haamau raa ofai Tihi i nia i to tatou fare pureraa rahi apî i Uturoa, Raiatea. I te poipoi no te mahana pae, ua tapae atu te pahi na mua i Huahine, no te rave atu i na orometua popaa, te taata haapao amaa, e e ono ahuru e tiahapa taata. Teie e ono ahuru e tiahapa taata paari, e taurearea, e te pūpū himene ia e na pūpū hantipopo no Huahine. Ua faarue te pahi i Huahine i te hora iva, e na tapae i Uturoa Raiatea, i te hora ahuru ma piti i te avatea. I te tapae raa'tu ihoa te pahi i reira, inaha, te ite nei te mata i te hoê fare rahi hoho'a apî nehenehe maitai. e o tei fatata hoi i te oti roa. O te Fare Pureraa apî ia te reira no Uturoa, Raiatea. I te hora piti o te reira mahana, ua tairuru mai i reira to Avera, to Patio, to Huahine e to Uturoa iho, e ua riro ia te reira ei rururaa rahi matamua na teie Ekalesia i te fenua Raiatea.

I te hora piti e te afa tia mau, ua haamanhia te Ofai Tihī i to'na vairaa e te Peresideni o te Misioni, i muri a'e i te faaroo-raa-hia te mau reo himene navenave a te pūpū himene no Uturoa e Patio, e na a'oraa hoi e piti. Ia oti a'e te tamaaraa i te hora toru e te afa, ua faarne faahou te pahi i te hora maba, e te mau poti atoa hoi, no te faata atu i te taata no te amuiraa i Patio, Tahaa. Ua tapae atu te pahi e te mau poti i Patio i te hora ono no te reira ihoa ahiahi.

Ia poipoi a'e, mahana Maa, ua haamatahia te amuiraa i Patio, e ua faaoti i te po o te mahana i muri a'e, oia hoi, te Sabati. Aue i te maere e te faahiahia maitai ia hi'o i te rahi o te taata tei ruru atu i reira, e tei faa'i maitai i te fare pure i te mau taima pureraa atoa. Ua faaroohia i reira te mau a'oraa nehehe roa a te mau feia apī tane e ta te mau feia apī vahine atoa hoi, tae noa'tu i ta te mau Peresideni o te mau amaa e ta te mau orometua popaa hoi. Tae noa'tu i te mau reo himene navenave tei himenehia mai e te mau pūpū himene no Huahine, no Uturoa e no Patio. I te ahiahi o te mahana sabati, ua baptizohia e 21 melo apī tei faafariuhia mai i roto i te Ekalesia nei. O te baptizoraa rahi roa'e te reira tei tupu i teie pae au moana nei, o te ravehia i te taima hoē, mai tahito mai ā. I roto i te apoora a te Peresideni Misioni e te mau Peresidevira no te mau amaa, ua ani faahou ā te mau Peresideni amaa i te mau fare pureraa apī no to ratou mau amaa. No Patio iho, i te hoē ia uahu tapaeraa pahi i tai noa mai i te fare pureraa no Patio, e i te hoē hoi fare rahi hautiraa e o te au atoa hoi ei vahi putuputuraa. I roto i te hauti tueraa popo a te feia apī, i roto i te pūpū no Huahine e to Patio, e mea nehehe roa ia te hautiraa, area ra, ua tia noa na re, e toru ta te tahi, e e toru hoi ta te tahi. I roto i na mahana amuiraa e piti i faataahia, ua faa-amu noahia te

mau manihini i te maa maitai e toru taime i te mahana hoê. Inaha, ua î, ua maha e ua oaoa ana'e e hope roa a'e.

Ia poipoi a'e i te monire, ua faahoi faahou mai te pahi i te mau taata no Raiatea e i to Huahine atoa hoi. A parahi poto ai te pahi i Raiatea ra, ua faatoroahia i reira to tatou taeae Pesesibutero ra o Tearootu â Oaoa ei faatere pūpū no te mau Peresibutero o Raiatea, Tahaa e Huahine. I te mahana piti i te avatea, ua tapae faahou mai te pahi i Papeete nei mi te maitai e te maururu no te hoê tere hau e te oaoa.

Ua faaterehia teie mau ohipa i raro a'e i te faatereraa a te Peresideni Misioni o Iosepha R. Reeder e to'na hoa, tei arataihia e te mau orometua ra, o Davida, o Aramona, o Maratini, o Militona, o Terii, o Timibala, o Tihoti, o Repha e te na tamuta e piti, o Ward Tane raua o Mann Tane e to raua na hoa e na orometua vahine o Cauri raua o Frankie.

Taumata a Tekuravehe.

PARAU RII API

Te Fare Pureraa Apî I Uturoa, Raiatea.

Ua tae mai te parau apî e, te tapoihia nei te Fare Pureraa i te punu, e te tamau-atoa-hia ra te mau opani o te mau uputa e te mau haamaramarama atoa, e te peni atoa-hia-nei te tahi mau vahi o taua Fare pureraa ra. E te mana'ohia nei e, e tomohia, paha, taua Fare Pureraa ra i roto i te ava'e no Fepuare, e a ore ra, i te ava'e Mati i mua nei.

Te na ô mai nei te tahi mau taata e, e mea nehenehere roa te reira.

I Te Fare Ma'i I Papeete.

I te 22 no Ditema i mairi a'enei, ua haere te Pupu Himene, o te Ekalesia, i te Fare Ma'i, i Papeete nei, no te himeneraa'tu i te tahi mau himene no te faa oaoa i te mau

feia tei roohia i te ma'i, e te parahi ra i reira. Ua rave rahi te mau Pūpū himene tei tae atoa'tu i taua ahiahi ra, e ua rahi atoa hoi te mau Feia mana tei tae, i reira, i taua taime ra, e ua rahi atoa hoi te mau huiraa'tira no Papeete nei tei tae atoa'tu i taua vahi ra. Ua oaoa roa te mau feia tei roohia i te ma'i no te mau ohipa o te Noël tei ravehia no ratou ra.

Te Noel A Te Mau Tamarii.

I te 22 no Ditema, i mairi a'enei, i te po, ua faaterehia te tahi mau hautiraa arearea na te mau tamarii, e i roto i taua mau hautiraa ra, ua tae mai o Papa Noel e ta'na pute monamona, e ua opere atu oia i te reira na te mau tamarii e na te mau taata atoa hoi o tei tae atu i taua taime ra. E i te hopea, ua oaoa paatoa ratou.

Te Hoho'a No Ta Tatou Ve'a. Te Oire Pu, Roto Miti

I roto i ta tatou hoho'a no teie ava'e Tenuare, ua itehia te oire pu no te Ekalesia, oia hoi o Roto Miti. I te 24 no Tiurai, 1847, ua haamauhia teie oire e te mau taata i raatere mai, mai te hitia o te râ e tei nia ihoâ i te mou'a i iteahia nei, ta Biritoma Ioane parauraa e, "O Teie Te Vahi."

Ua faaeahia teie oire e 200,000 tiahapa taata e ua tia atca teie oire ei oire pû no te hoê tufaa fenua Marite tei parauhia o Utaha. I roto i teie hoho'a ua itehia te fare hau i te pae aui o to tatou hiero, te fare menemene, te mau hotela, e te mau fare toa i te pae atau. Ua ite-atoa-hia te mau purumu nehenehe e te aano hoi e tae noa'tu te mau tupuai mou'a mai te parauhia i te Mika 4:1-4 e tae noa'tu i te mau fare faaearea o taua oire nei. Ua patahia teie hoho'a na roto i te tahi manu reva i te vahi teitei ra.